



## CHICALA SHOESSHOESSHOES

Jenama butik terkenal milik wanita anggun, Ung Yiu Lin, telah mempersembahkan koleksi terkini mereka baru-baru ini bertempat di Publika bersempena dengan pelancaran Publika Fashion.Art.Taste. Bertepatan dengan suasana majlis, jenama ini telah mempersembahkan rangkaian koleksi penuh bertenaga melambangkan wanita muda yang berani dalam bereksperimentasi dalam gaya. Antara item yang menjadi perhatian adalah dress pendek rona putih berhias stud mewah di bahagian bahu dan juga gandingan aksesori terkini tas tangan dan sepatu sebagai pelengkap gaya.

## MOUAWAD X VICTORIA SECRET

Jenama perhiasan kemas mewah ini telah meneruskan kolaborasi dengan jenama pakaian dalam terkenal, Victoria Secret dalam menghasilkan 'Fantasy Bra'. Baju dalam yang digayakan oleh supermodel Candice Swanepoel berharga USD 10 juta dan didatangi dengan tali pinggang. Pada malam pertunjukan fesyen tahunan jenama Victoria Secret, seluruh tetamu terpegun dengan keindahan binaan rekaan ini. Kedua-dua baju dalam dan tali pinggang ini memiliki lebih 4200 batu permata berharga termasuklah berlian, rubi dan sapphire.



# KARISMA

## KACA MATA MARC JACOBS

Anda seorang yang gemarkan kaca mata? Kini kaca mata hitam bukan sekadar melindungi mata sahaja, bahkan digunakan sebagai satu aksesori wajib buat semua. Jenama antarabangsa Marc Jacobs telah mempersembahkan koleksi terbaru kaca mata mereka yang begitu anggun dan sofistikated. Pemilihan kaca mata hitam berona bingkai merah menonjolkan ekspresi fesyen di dalam diri kamu. Setiap daripada rekaan ini direka khas dengan ciri-ciri keselesaan optimum dengan bahan terbaik bagi memberikan keselesaan kepada si pemakai.

## THE LADYMATIC LINE

Jenama mewah Omega, telah menambah satu lagi koleksi baru dalam set perhiasan kemas mereka. Terangkum di dalam koleksi Ladymatic rekaan kedua-dua cincin dan anting-anting menegaskan sisi ringkas tanpa perincian yang keterlaluan. Cukup sempurna untuk digayakan oleh wanita pelbagai umur dan mungkin boleh dijadikan sebagai tanda cinta anda. Rekaan ini boleh didapati dalam rona emas merah, kuning serta putih dalam komposisi 18 karat. Lebih mengujakan rekaan ini diserikan dengan lingkaran berlian memancar dalam kelok berbentuk ombak menaikkan lagi seri buat si pemakai.

